

2019

2020

VASTELAOVES GEZÉT

Vastelaoves Vereininging

De

Rabbedabben

Haler-Uffelse

5 x 11

1965-2020

Jubileum edisie

Jaargang 12

Januari 2020



Prins oetroope 2018-19...



Van de secretaresse...



Beste minse van Haler,

Zoeë es det gae wetj probere wae al ein paar jaor de burgemeister Zoeë wieëd te krieëge det dae béste mins ein stukske wiltj sjrieëve veur ós gezét. Inmiddels is de burgemeister ein vrouw, ein burgemeisteres. De afgelaupe jaore waas de loco burgemeister bereid om dees taak op zich te nómme mer nao 5 jaor vónj auch de-ze béste mins 't good gewaesj. Daonao kwaam nog éfkes de nep-loco dae zien bést heet gedaon en veurig jaor aan mich de ieër, eine hieële ieër, al zégk ich 't zelf. Haaj noeëts verwachtj det ze Zoeë iets aan mich zooje vraoge, mer good. Ich dink det det directj de létste kieër is gewaesj, want dit jaor hóbbe ze de noewe burge-meisteres bereidj gevónje ein stukske te sjrieëve. En det haaj mieër veut in de aerd den gedachtj. Mer oeteindelijk is dur ein sjoeën veurwoord van mevr. Schmalstätger binnegekómme det ich hie ónger veur uch mit alle plezeer waergaef.

Van de burgemeister...



Beste jubilerende Rabbedabben,

Met veel plezier schrijf ik een voorwoord in deze jubileum-editie van de Hal-erse Vastelaoves Gezét.

Een kleurrijke krant waarin alles staat te lezen over de komende carnavals-activiteiten, zoals de traditionele bonte avond, de prinsenreceptie en de op- tocht. Dit alles natuurlijk met een bijzonder feestelijk tintje, vanwege het jubileumjaar.

De redactieleden van de talrijke carnavalskranten en degene die de komende carnaval voor de gemeenschap gaan organiseren doen dat met plezier voor zich- zelf maar ook uit gemeenschapszin. Als burgemeester hoop je erop dat de saam- horigheid die zo past bij het carnavalsgebeuren ook NA de drie dolle dagen tot

uitdrukking komt in het gemeenschapsleven. Dat dit in Haler gaat lukken, daar heb ik het volste vertrouwen in!

Ook kenmerkend voor Haler dat er al 5 x 11 jaar een jeugdraad actief is. Het vergt voor VV de Rabbedabben beslist inspanning om dit jaarlijks voor elkaar te krijgen. Temeer omdat enkele jaren geleden basisschool St. Isidorus werd gesloten. Dat er ook nu weer een actieve jeugdraad klaarstaat verdient dan ook een groot com- pliment. Wie als jubilerend jeugdprins komend jaar voorop gaat is voor mij nog een verrassing. Op het mo- ment dat ik dit voorwoord schrijf is dit namelijk nog niet bekend. Bij de sleuteloverdracht op 20 en 21 februari zullen wij elkaar ontmoeten. Op die dag draag ik graag voor 3 dagen de sleutel over aan de vele Leudalse vastelaovesverenigingen en in het bijzonder aan de jubilerende jeugdraad van VV de Rabbedabben uit Haler.

Vanaf deze plaats wens ik u allen harte proficiat met het 5 x 11 jarig jubileum, veel leesplezier en een mooie carnavalstijd.

D.H. (Désiré) Schmalstätger

Burgemeester van de gemeente Leudal

Det is toch ein sjoeën veurwoord van ós noewe burgemeisteres? Ich dink det dees vrouw väöl pit heet en det zuu ut hieëlemaal mit mich ins is as ich weer tradisioneel aafsluet mit de spreuk die hie eeder jaor inne gezét steit:

**Vraogdj uch neet aaf waat Haler vur uch kin doon,
mer vraogdj uch aaf waat gae vur Haler kintj doon!**



Bie-zunjer...

Al einige tied geleeje versjeen d'r aan het Tjiekemeer ein biej-zunjer stanketsel. Wae hoofdje neet lang te roaje woea det veur waas toen de bieje-kasten van Tjieu weardje geplaatstj.

Mer wat sjetsdje ós verbazing? Net veur-biej de wintjer waas der biej-noa geine kast mieër te bekinne.

Wae vanne redaksie ginge op óngerzeuk oet, want wae zeen waal van "de bloemetjes en de bijtjes", zulle wae mer zégke.

Auch mooke wae ós ongerusj want ut is ein hieël gedoons in Nederlandj omdet der steeds minder bieje zitte; ut zeen biej-zunjere bieëstjes.

Ut haaj waal get aan om der achter te koome wat der mét die bieje-kasten waas gebeurdj. Wae waerdje van ut kestje nao de moor gesteurdj.



Al gauw kwome wae der achter det bieje eedere daag oet de kast koome (joe-hoe), mer den laote ze de kast toch staon.

Al met al dinke wae det die bieje zich biej-ein hóbbe gepaktj en mét kast en al vertrokke zeen! Noa de oorzaak kinne we allein mer roaje. Hónger? Koaj? Haaje ze zich versjrokke van dae hóndj (eine biej-gel)? Of zeen ze gegange nao "Biej-Winy"?

Ondanks dat neemes eine kast veur-biej heet zeen vleege, biej-vakkeere ze noe toch weer op heur vertroewdje plek.

Wae vanne redaksie zeen in eeder geval b(l)ie det ze weer terug zeen!

Eine neegel gevónje...

Eine tiëd geleeje vónj Peter Paul eine neegel. Dao heet dur neet hieël vööl meute veur hoove te doon, want dae neegel zaat geweu in ziene autobandj. Noe waas ut zoea det PP det op ziene Feesboek zat en det hae dao Erwin vanne Locht erg bliej maakdje, want dae waas dae neegel kwieëd. Dus wie det geit in de moderne tiëd maakdje Erwin dao meljing van op Feesboek. PP netuurlijk neet te beroerdj en dae stopdje dae naegel mit ein briefke bie Erwin inne brievebus. Neet det dur vinjersloean te krieëge waas, mer waat neet van dich is is neet van dich.

Dus terug mit dae neegel nao Erwin. Mesjien kost dae um nog ins gebroeëke...



Dus dae neegel mit ein briefke bezörgdj bie Erwin. Dae waas netuurlijk neet op ziene achterkop gevalle en sjreef ein sjoeën briefke terug nao PP, vergezeldj van eine rechte neegel, ein tuupke pleksel en ein plekkerke óm de bandj te plekke veur es PP weer ins eine krómme neegel van Erwin zooj vinje...

Ut briefke van Erwin ging es volgtj:



Vinjersloean veur de ieërljike vinjer vanne krómme neegel.

1. eine rechte stevige neegel, want mit eine krómme neegel kinse niks es benj kepot rieje
2. Tuupke pleksel, waal ieërst zuuver sjoore dae bandj anges plektj ut neet
3. Plekkerke veur "króm-neegel-gaetjes" toe te plekke

Dus noe bist dich mit dit noeadpakket good oetgerusjt veur de volgendje platte tuup.

Groetjes van eine echte Rabarber-dabber.

De redaksie heet naovraag gedaon bie PP en dae waas zeelsgelukkig mét dit vinjersloean!



Sponsore...

FL Security,
Gespecialiseerd in beveiliging op
verschillende niveaus

Laagveld 2
6014 DD
Ittervoort



Unne terukblik...(prins Mexx I)



Op zönjig 16 december bin ich veurig jaor oetgeroope as Prins Mexx 1 saame met mien Prinses Fenne en Adjudant Heike.

Eindelijk kos ich ut groeate geheim vertélle. Wae ginge nao de recepties van de Serdelhunj oet Hunsel en de Puinesjödders oet Ittervoort.

Zönjig 3 jannewari waas ós eige Prinsereceptie. Det waas eine daag dae ich noeats mieër vergaet, zoeavööl minse die ós ein hendje kwoome sjudde.

Saame mit Prinses Fenne ginge wae mét alle Prinse en Prinsesse oet Leudal oppe foto bie de Meysebergh.

Saoves haaje wae Bóntje Aovendj. Dae begos met ieërst saame frietjes aete inne zaal en daonao geneete van oos artieste.

Tussedoor höbbe wae vööl gesnoeptj en kinjerchampagne gedrónke (hik ...).

De sleuteleverdracht waas geslaagd. Wae haaje de 2e prieës mét ein eige gemaaktj filmpke mét as thema "Os dörp". Det waas gefilmdj bie de Uffelse Meule. Het oefene daoveur waas gezellig en wae haaje kei-vööl lol.

Carnavalsmoandjig höbbe wae spek mét eier gegaete bie Ramon en Esther. Die eier smaakdje good want die woore van ós pap en mam.

Dolle Dinsdig waas der weer eine sjoene optocht. Ich sjtóng mét mien Prinses en Adjudant bove in de Prinsewage.

Daonao in de zaal polonaise laupe, en auch springe, en auch zinge want det höb ich gedoan mét Miranda en Winy.

Ich wil eederein bedanke veur det sjoene en zeker on-



vergaetelijke jaor det ich Prins mocht zien.

Wae winse ut noewe Prinsepaar auch zo'n geslaagd Vastelaovesseizoen

Alaaf!!



Unne terukblik...(prinses Fenne)



Op zönjig 16 december 2019 waerdje ich oetgeroope tot Prinses Fenne, saame mit Prins Mexx en Adjudant Heike.

Wae waerdje sjoean aangekleijd en daonao höbbe wae de proclamatie veur gelaeze en noch ein fieëstje gebowdj.

Ich höb genoote van de prinsenrecepties van de Moerebuuk oet Ell, de Serdelhunj oet Hunsel en de Puinesjōdders oet Ittervoort.

Op zönjig 3 fibrewari waas ôs eige prinsereceptie.

De vereeniging oet Ell, Hunsel en Ittervoort kwoome ôs ein hendje gaeve.

De Puinesjōdders haaje zelfs ein paerd bie zich veur mich woa ich ein rundje op mōst rieje.

De taofels woore aafgelaeje vol mét cadeaus.

Zaoterdig 23 fibrewari waas de Bóntje Aovendj, wae höbbe vööl gelache en genoote van alle artieste, en un kei sjieke foto gekrege van Raymond en Esther.

Donderdig 28 fibrewari waas de jeugd-sleuteleuverdracht in Heur. Het was ein groeat fieëst met o.a. Big Benny.

Wae môste ein filmke make euver ut eige dôrp, dao haaje wae de tweedje pries mét gewónne, dus krece wae auch nog eine sjoëene beker en nog get geldj, auch zeen we geinterviewdj door Delta Limburg. Het was eine biezönjere sjoëene aovendj.

Maondigoavendj waas spek mét eier en eine kienoavendj mét sjieke prieze.

En den de Dolle Dinsdig in Haler. 's Murges de prinsewage versiere mét ballonne en slingers, daonao moge geneete van eine prachtige optocht.

Noa de optocht waas het ein groeat fieëst in ôs Dörpshoeës.

Ich höb same mit prins Mexx en adjudant Heike eine kei sjieke vastelaovendj gehadj.

Ich wins de noewe prins, prinses en adjudant vööl plezeer in ut noewe vastelaoves-sezoeën

Prinses Fenne



Buutte trai-out...

Auch dit jaor waerdje door Kevin en John in de Uffelse Meule weer eine buutte try-out avondj georganiseerdj. Det waas weer ein fantastisch fieëstje. Dit jaor deeje der 6 artieste met. Wae höbbe eine sjoeane avondj gehad, vööl gelache en auch nog ein lekker putje beer gedrönke.

Volgendj jaor waerdj dit weer georganiseerdj op vriedig 6 november.

Hiej nog get foto's van de artieste:

Charlie Wijen (1), Fer Naus(2), Jean Heylighen (3), Koen van Soest (4), Nils Naus (5) en Rob Princen (6)



5x11 Jeugdprinse...


- 1965: Huub Reijven
- 1966: Lei de Bakker
- 1967: Har Driessen
- 1968: Huub Verheyden
- 1969: Thijs Peeters
- 1970:
- 1971: Wim Weekers
- 1972: Wim Slaats
- 1973: Frank Henderikx
- 1974:
- 1975: Wim Linders
- 1976: Johan Deckers
- 1977: Laurens Steyvers
- 1978: Peter Brouns
- 1979: Jos Deckers
- 1980: Nico Rietjens
- 1981: Johan Thijssen
- 1982: Erik Wolters
- 1983: Dolf Brinkmans
- 1984: Roy Wolters
- 1985: Ronald Clerkx
- 1986: Roger Custers
- 1987: Tjeerd Vis-

- sers
- 1988: Stefan Custers
- 1989: Edwin Clerkx
- 1990: Ruud de Bakker
- 1991: Marco Vranken
- 1992: Jeroen de Bakker
- 1993: Maurice Pesgens
- 1994: Dennis Pinxten
- 1995: Bennie Peeters
- 1996: Mark de Bakker
- 1997: Michiel Kuypers
- 1998: Edwin Weekers
- 1999: Ron Custers
- 2000: Jurgen Meedendorp
- 2001: Nick van Dijk
- 2002: Frank Raetsen
- 2003: Leon Henderikx
- 2004: Erwin Raetsen
- 2005: René Henderikx
- 2006: Bart Wanten
- 2007: Tim Nevels
- 2008: Dean Appelmans
- 2009: Patrick Weekers

- 2010: Jarno Dirkx
- 2011: Jarno Dirkx
- 2012: Giel Mousset
- 2013: Len Dirkx
- 2014: Len Dirkx
- 2015: Maan Geraedts
- 2016: Luc Baetsen
- 2017: Dylano Jurninck
- 2018: Vince Custers
- 2019: Mexx Mousset
- 2020: Lard Schroijen



30 jaor later: Prins Stefan I (1988) en ziene zoon Prins Vince I (2018)



En den...de noewe Prins...



Ich staon hiej as Prins Lard I vanne Rabbedabben, veur mich de ieërste kieër
Wae hubbe noe ein jubileumjoar dus ut is veur mich ein hieël groeate ieër

Saame mét Adjudant Luc en Adjudant Keano staon ich veur uch klaor
Óm ut jubileum vanne Jeugdroad te veere, want die besteit al 5 x 11 jaor

Met des daag kan de sjoel os verrekke, de Vastelaovendj steit op 1
Wae zulle hosse en springe, al gaon wae van meugigheid vanne bein

Deeze Vastelaovendj gaon wae gaer veurop
En zétte hieël Haler oppe kop
En det alles onger mien motto:

**Efkes geine motor en gitaar,
mer drie daag hosse en springe mét elkaar
ALAAF**

Oetneuediging Receptsie...



Wae, Prins Lard I, adjudant Luc en adjudant Keano, hóbbe de ieër om uch oet te mooge neuedige op mien Prinselikke receptsie.

Deeze waerdj gehaoje op **zunjig 26 jannewari** van 14.11 oor tot 16.11 oor.

Gae zeetj den hertelik welkom in:

**Ós Rabbedabben
Pelieës**

Zaal
Ons Dorpshuis
Pinxtenstraat 1
6012RJ Haler



Prinsereceptsie 2018-19...



Vekansie...

Ein van os reporters waas op vakansie aaf gelaope jaor. Hae haaj 1 foto op gesteurdj nao de redaksie.

Gao kontj zeen det hae ein gooj waek haaj oet gezogdj; slechter waer konse dich neet winse. Mer ut is ein hieël gerusj-stelling asse oppe snelwaeg zits, en doe hubs hoe-age noead, det die Pruusse dao good euver hubbe nao gedachtj.



Leid mit de hóndj...

Begin juni, eine sjoene zaoterdig, waas Toos van Pinxt-huuske sunjisse soep aan ut make. Det betei-kentj det eine stuk vleis met sjink en get greuntjes in water waerdj op gezatte, en wat den lang mot trek-ke op ein lieëg pitje.

As den ut vleis en die gruntjes pratsj-gaar zeen blijftj dae soep sjink euver. Noe waerdj Stefan auch neet – om te zégke- boeswildj van eine kale soep sjink, dus goof Toos dae sjink aan Sita, de waakhóndj.

Noe is ut neet te zégke wie det Sita ut veur mekaar heet ge-kegre, mer oppendoor zoot dae sjink euver de óngerkaak van dae hóndj. Det kosse auch heuere aan zien blaffe; det klónk ein bietje wie “waw, waw, waw”.

Mer ja, zoea kos dae hóndj auch niks mieër aete en drinke, laot staon eine inbraeker in ziet gevraet bieëte. Dus mos der get gebeure. Oeteindelik heet Stefan zien konneksies inne zaegerie-bransj gebeldj, en dae sjink waerdje der van ge-zaegdj.

Al-met-al eind-good al-good zultj gae missjiens dinke. Nae, niks is minder waor. Toos en Stefan woore zoea gesjrokke det dae zaoterdig in juni de letste daag is gewaesj det der in Pinxt-huuske sunjisse soep waerdje gemaaktj. Vanaaf noe is ut greunte soep mét, asse geluk höbbe, get vermesjelli der in. Mer geine sjink



mieër. Noe is det veur Stefan missjiens neet zonne ramp; dae kan get höbbe. Mer wae vanne redaksie van dees Vastelaoves Gezét höbbe compassie mét Sita. Dae erme hóndj mot ut eedere zónjig noe doon met get sjanammele van de greunte soep.

Wae vanne redaksie wille uch laezers van dees gezet den auch vraoge om eeder wiekend, en in eeder geval auch met dieredaag, get veur Sita euver de hégk te goeaje bij Pinxt-huuske.

Alles is good zoelang ut mer gein greuntjes (en soepsjink) is.





Rabbedab programma



- 26 jannewari: Prinsereceptsie (14.11 oor)
- 15 fibrewari: Bóntje Aovendj (20.11 oor)
- 20 fibrewari: Jeugdsleuteleverdracht (18.30 oor)
- 21 fibrewari: Sleuteleverdracht (19.00 oor)
- 22 fibrewari: Spaarkas lichte (20.30 oor)
- 24 fibrewari: Spek mit Eier & kiene (18.30 oor)
- 25 fibrewari: Dolle Dinsdig mèt Optocht (14.11 oor)
- 26 fibrewari: Hieëring happe (20.00 oor)



2020

Op de barricades...

As de minse van ós redaksie smurreges opstaon, is ut ièerste wat ze doon zich op de huegdje stelle van ut noewts in de angere media. Zoa auch gebeurde det zaoterdigmurrege 9 november. Ein van ós redakteure sloog de Limburger ope en waas sjtom-verbaasdj wie der bladzij 2 bekeek. Dao stóng ein stuk euver ut boore-protest en weem sjtóng dao pontifikaal met ein protest-bord in zien henj oppe foto? Jao, gae kin te zien hiej-onger; aod-Prins Mexx 1.

Det waas aanleiding veur ein spoed-óngerzeuk van ós redaksie, want de det-lain veur de gezet waas doeanbiej. Wae ginge snuffele in pepeere, ginge kieke op lokaasje (inne sjeur bij Rene en Miranda) en probeerdje op slinkske wieze nog get "insait-informeesjion" bij-ein te sjerre.

Ein paar zake zeen os op gevalle:

1) Mexx kiektj waal ein bietje met ziep-uigskes. Die kinne wae van wie Prins Mexx 1 oet zien uig keek op ut inj vanne Bóntje Aovendj; hae zal waal get meug zeen gewaesj.

2) inne sjeur bij Rene en Miranda stónge nog get mieër borde. Der waas ein bord bie det eigelik ónger det oranje bord haaj gepasj: "... as eierboor". Wae vanne redaksie kinne Mexx noe auch waal ein bietje en snappe auch waal det hae neet ein toekomst wiltj as putjes-sjupper, óngerzieëboatkappitein, of RABO-bank-hypotheek-adviseur.

3) inne sjeur bij Rene en Miranda stónge nog mieër borde. Kinnelik woore die neet good bevónje door Rene en Miranda. Mer wae vanne redaksie vónje die tekste zeeker zoea good. Op die borde sjtóng:

- "Laot ós hiej eier produseere, anges kumtj alles van ós oet Belsj (... ich dus auch)"
- "Inlevere, inlevere?! Doot det zelf, gae dikköp dao in Den Haag!"
- "Blief van ós pap zien eier aaf (auch names mam)"

Noe waas ut sjoean waer vriedig 8 november, de daag van de Sintemerte-haup. Ós halve redaksie waas dao, mer auch Mexx en bienao de ganse Jeugdraad van Elluf. Ein van ós reporters heurdje Mexx bie de sjokomel-tap kalle mét Vince en Lard. Wat wae dao heurdje baardje ós waal get zurg, met name veur Rene en Miranda. Wistj gae waat dae Mexx dao ein bietje fluusterendj aan ut vertelle waas? (nae netuurlik neet, gae woordj dao neet bie). Mexx zag det det bord op ut booreprotest zoea good wirkdje, det hae der

ernstig (...!) euver aan ut naodinke waas om nog get borde inein te flanse en die toes hiej en dao vast te tummere om zoea toos dein en danger gedaon te kriege.

"Ik wil later naar bed" bord tummere tege de kamerdeur

"Ik wil niet meer met de fiets naar school" bord tummere oppe veur-roet vanne auto van Miranda

"Ik hoef geen sla. Ik ben toch geen konijn" bord tummere tege de keulkast

Wae vanne redaksie winse Rene en Miranda nog veul sterkdje mét de opveujing van Mexx ut komendj jaor!



In memoriam...

Op 17 oktober j.l. is **Renée van Dijk—de Bakker** plotseling overleede. Det is hól binnegekómme bie ós. Renée heet, zoealange es wae ós kinne herinnere, troew mitgelaupe in de optocht in Haler. Renée waas meestal in de strieëd óm de ieerste plek mit anger einzelgàngers, mer die looge ut bienao altieëd aaf tege Renée. Ut ging dur den auch meestal mit de ieerste prieës vandoor.

Renée waas altieëd zieër betrokke bie ut Halerse gebeure en de Halerse gemeinsjap. Waat neet good ging waerdje door Renée tieëdes de optocht aan de kaak gestéldj.

Op 24 oktober is Renée op ut kirkhoof in Haler begraave.

Wae winse Hans, Nick en Karlijn hieël vööl sterkdje bie ut draage en verwirreke van dit enorme groeëte verlees van Renée.



Sponsore...

DE HOB B Y S C H U U R T J E

Activiteitenboerderij

Nico & Carin Rietjens

Lochterstraat 4 | 6012 RD Haler

0495-552282 | b.g.g. 06-36299112



www.hethobbyschuurtje.nl

carin@hethobbyschuurtje.nl




Wethaojer Walraven...

Kintj gae ut uch nog herinnere; veurig jaor stóng wethaojer Walraven inne Vastelaovers Gezèt mèt ein foto. Hae loog in ut zekenhoes in bed met ein lepke veur ut aug terwiel der aan zien heup waas geope-reerdj. Wae vanne redaksie haaje dao vraogteikens bie. Hie-onger de reaksie van de wethaojer:

Bèste redactie en laezers van de Vastelaoves Gezèt van de Rabbedabbe,

Ich waas bliej en verrasj wie ich eur vastelaovesgezèt kreeg. Nog bliej en verrasjer waas ich wie ich zoog det ich d'r-in sjtóng. Politici höbbe noew einmaal gaer aandach. Ich auch dus. Ich höb mich kepot gelache mèt die gezèt. Die haet bae-ter geholpe es alle pille!!! Nog bedanktj dao-veur. Gae sjtèltj mich dao-in ein paar lestige vraoge. Ich haaj ein lepke veur 't oug, want ich wòl ederein veur 't lepke haoje. Ich ging eigelik veur ein noew heup, want ich waas sjoew detse mich mèt de verkezinge in 't veuroët-zicht eine poeat wòlle oët-trèkke. 't Aete waas euverigens good: zoèrvleis, huidvleis, frikedelle, bloodwors, laeverpastei en ein good glaas beer. De vraog welke heup kèn ich kort euver zeen: de derdje. Compleet mèt kop en sjtert. Auch dit jaor bòn ich weer in revisie en mòt ich weer versjtek laote gaon. Ich zal al dae Vastelaovesturbel van gepasje aafsjtandj vol-ge. Ich wins de Prins, de Raod van Hallef 11 en alle Rabbedabbe eine sjoeanne Vastela-ovendj. Alaaf!!!

Wie van de drie: "Weem is Arno?"



Zwarte rave, witte rave...

In deze tieëd, woea de discussie euver zwarte piet, blauwe piet, raegboogpiet, rootvaegpiet en zoea kinne wae nog waal effe doorgaon, duchtig waerdj geveurdj, höbbe de veugel dao geine last van. Wae vanne redaksie zooge ein paar daag geleeje ein biezunjer versjiensel. Bie Winy en PP vlooge 2-kleurige rave bove de vieëver. Van bove wit en van ónger zwart. Noe kin det natuurlijk ein camouflaasj zeen veur de blauwe reiger en höbbe de rave zich aangepasjt

veur ut geval eine witte reiger ins kumtj kie-ëke of dur get vis te snaaje is. Mer wae dinke ieërder det dees veugel de discussie euver zwarte piet mieër den zat woore en det ze ein steetmunt wooje maake.

Ut kin auch aan de vorst gelaege höbbe....



Haler—Hunsel...

Ut is bekindj det Haler en Hunsel elkaar bést waal good ligge. Det waas vreuger waal anges (as wae de verhaole euver ut gesteggel tusse die jong van Haler en Hunsel motte geluive, alhoewel de bron van die verhaole, eine zekere Erwin S. neet de minste is).

Noe is ut dus zoea det inkele minse oet Haler hieël wakker woore wie det de boore broedegom in Hunsel waas oet geroope. Det waas eine Halerse jong.

Dus woore ut diezelfdje paar wakkere men oet Haler die dao waal raad met wiste. Gauw ein bord vanne gemeindje Haler oet de grondj gerete (wat mosse auch anges mét diene vrieje tieëd?) en det inne hoof van dae boore broedegom gepootj. Foto gemaakt. En wiejer.



Det wiejer bracht die men ein paar waeke later oppe "Herresitzung" van de Serdelhunj in Hunsel. Dao begos alles wie



Sponsore...

Tuinderij

De Locht

Rabarber



eedere zunjig murge. Wie ein stel communicantjes zoote de hieëre al om half ellef smurres aan de iërste pot beer van dae daag.

Det bord vanne gemeindje Haler waas auch mét, om die Serdelhunj nog mer ins duudelik te make det dur auch minse van boete-aaf mét ginge in de fieësterie.

Gaondewaeg dae daag ging det communicantje-echtige der waal van aaf. Ut eine putje beer waardje gevolgdj door ein anger en oppendoor waas ut tieëd veur ein frietje.

De frietpan waardje gevónje mer ut bord vanne gemeindje Haler neet mieër. Det waas door inkele van die men oet Hunsel gekitneptj. Groeat waas den auch de opluchting wie op ós Prinsereceptie det bord weer terug kwoom.

Zoea haaj det bord oet Haler toch ein hieël reis gemaaktj.



Woordzeuker...

Vastelaovendj same

Zeuk de weurd. Ze staon horizontaal, vertikaal, diagonaal en soms achtersteveure.

Z	E	I	V	E	R	S	R	T	S	I	E	L	V	P	E	O	S
R	E	K	U	U	R	K	J	A	E	M	T	E	T	B	T	U	D
Z	K	O	P	P	I	E	N	U	B	I	O	E	T	U	U	O	C
V	S	J	L	A	G	E	R	J	T	B	J	S	O	S	F	U	V
F	E	E	L	B	T	A	W	D	O	T	E	S	G	B	R	F	T
K	N	A	P	K	O	O	K	N	U	N	E	D	E	N	R	E	E
E	I	T	P	E	C	E	R	E	N	C	A	L	A	G	A	E	H
O	Z	Z	S	K	P	I	G	V	S	H	S	G	S	B	E	R	K
L	E	L	N	U	U	J	M	O	O	U	G	A	S	P	B	A	K
E	K	E	A	U	A	V	V	A	S	I	O	A	F	O	L	E	W
P	S	S	M	K	K	P	P	L	W	D	O	L	P	P	S	A	N
E	U	K	M	R	R	P	E	E	U	V	N	S	I	T	E	O	K
K	U	I	E	E	E	U	K	T	I	L	S	R	E	O	V	O	B
E	H	E	D	T	T	P	R	S	L	E	D	O	P	C	R	Z	Z
R	N	Z	A	O	E	S	E	A	E	I	I	O	K	H	E	E	G
O	I	M	A	O	A	E	V	V	S	S	G	D	E	T	B	L	L
O	U	O	G	N	B	G	N	I	D	I	E	L	R	E	T	A	W
B	T	A	S	S	T	F	O	L	E	O	R	B	E	R	O	O	B

- | | |
|---------------|---------------|
| AOMZEIKSEL | PUPSE |
| ASGOONSDIG | RABBEDABDEN |
| BAETERKAUP | RECEPTIE |
| BERVES | SJLAGER |
| BOOREBROELOFT | SJUTTELSPLAK |
| BOOREKEPEL | SNAMMEDAAGS |
| BUUT | SNOOTERKUK |
| DOORSLAAG | SOEPLAIS |
| HERSTE | TUFFE |
| HUIDVLEIS | TUINHUSKE |
| KERBOET | VASTELAOVENDJ |
| KNAPKOOK | VERKE |
| KOPPIEN | VOT |
| KRANGSOM | WAGESJIET |
| KRUUKER | WATBLEEF |
| OOZEL | WATERLEIDING |
| OPTOCHT | WULES |
| PIEPKE | ZEIVER |



Sponsore...

Henderikx

UW GROENE
vakwinkel

Weverstraat 5a Hunsel tel. 0495 786807



HAR HENDRIKK

BOUW- EN TIMMERWERKEN

Telefoon: 0495—586 408

Mobiel: 0623—228 273



STRAOTERHOF
BOERDERIJCAMPING



Sponsore...



BROEKMAN B.V.



PLUIMVEE-ENTBEDRIJ
BROEKMAN B.V.



Sponsore...

Det wae dit beukske kinne maake en uch gratis kinne aanbeeje, höbbe wae ónger angere te danke aan de sponsore die ós elk jaor van de neuedige pekunia veurzeen. Behalve de adverteerders die in dit beukske staon, zeen dur auch nog angere bedrieëve en minse die ós ein werm hert toe draage. Wae wille ze hie zeker nömme:

Adams Pluimvee	Carnaval Wiertz Heerlen	Benelux kantoor- en boekhandel	Beelen dakdekkersbedrijf
123 Cellenbeton	De Jacht Haler	Rik Hendriks	Mousset Container-
Hansen Bloembollen- bedrijf	Razisto Hair	Jac Brouns	Leike Brouns
René Mousset Pluimvee-	Gon Deckers	Verkennis Pluimvee	Uffelse Molen
Truck & Trailer Douven	Tuinbouwbedrijf Hein Winters		

en inkele angere particulere en/of anonieme sponsore!



Donateur waere?

Wiltj gae es particulier auch uch steinke biedraage aan de in-standjhojing van de Halerse Vastelaovendj, doneertj den

€ 11,-

op bankraekeningnummer NL 22 RABO 0138613532

Ein noew zomerhuuske...

Wae blieve efkes bie de familie Custers van Pinxt-huuske.

Kieëk; Huub en Toos höbbe al lang eine sjoene sjop achterom staon. Dao zooje ze op eine zomer daag best sjoen in kinne zitte as der neet get tractors, aoj getuug vanne boorderieje van vreuger en angere muzejumstukke in stónge. Mer Stefan en Claudia haaje nog niks. En Claudia woog auch gaer oet de zon inne hoof kinne zitte. Noe haaj Stefan geheurdj det der ein sjoen tuinhuuske te kaup waas. Det waas van eemes dae in Haler haaj gewoeandj; eine zekere Janus van G. Janus steit bekindj as eine verlaege en geduljige mins, dus wie dae tege Stefan zag det der ut beste det tuinhuuske in zien gehieël kos verhoeze, waas Stefan ut dao drek met ins.

Zoea gezag, zoea gedaon. Ein paar belkskes waerdje om det huuske getummertj om te voorkome det ut tuinhuuske gezweidj (dus zeg mer neet as un rechthook mer as ein wiebertje) bie Pinxt-huuske zoj aan kome. Toen get spanbenj der aan, de hoeagwerker hufdje ut huuske op, en alles waerdje op de platte ker gelaaje. Ut mótt gezag, dit deil van de ekspediessie ging boetegewoan good. Ut waas auch waal weer zoea det det tuinhuuske nogal get breijer waas as die platte ker. Daomet waerdje dit transport ein echt "konvoj-eksepsjonel".



De hoeagwerker waerdje veur de platte ker gezatte, en gaas. Binnedoor ging dit konvoj-eksepsjonel euver de Venderstraot nao Haler. Dae daag waas Huug van Baer van Vinder hel aan ut werk oppe stal, totdet der ein haup kebaal, eine "krak", en ein haup gekwaak heurdje. Wie der ging kieëke zoog der wat der aan de handj waas. Det konvoj-eksepsjonel waas met ut daak van ut tuinhuuske tege eine dikke tak van eine baum gereeje. Daak sjeif, daak kepot. Naovraag bie ut Kadaster, museum Naturalis, mer veural bie Huug van Baer van Vinder lieërdje oze reporter det dae baum dao al jaaaooore stóng en dae tak auch al jaaaooore euver de weeg stook.

Dus oeteindelijk kwoom det tuinhuuske ein bietje vesjammeliërdj aan bie Pinxt-huuske. Wie Claudia ut kepotte daak zoog, kwoome der geliek 2 gedachtes bie heur op:

1) toch fijn, kan ich toch nog ein bietje inne zon zitte

2) det

daak kan baeter kepot gaon bie eemes dae daakdékker is, den bie eine dae det neet is

Oeteindelijk is alles op zien puuëtjes terecht gekoome. Claudia haaj heur tuinhuuske wiej ut zoea werm waerdje deze zomer. En Janus? Janus dae mós mét die werm daag get mieër binne inne sjeem gaon zitte, en det vonj Maria den weer gezellig.



Storm...

Ut klimaat is duchtig inne war. In de veurige gezet haaje wae al get gesjreve euver de storm van 2018. Noe waas ut in juni weer zoea wieëd. Dae nacht haaj ut geweidj en gedaon; eine bieësterie. Ut waas zoea erg det panne van de dake woore geblaoze, en alikke buim euverhaup woore gegange. Zoea waas det auch ut geval met dae dikke eikebaum bie Tiny en Albert veur oppe oprit.

Dae baum waas óm gegange en mét zien wortels haaj der de waterleiding nao Tiny en Albert door gere. De straot stóng blank, en dus dao zoote Tiny en Albert zónger water.

Albert ging gelieëk aan ut regele want die hoonder móste toch te drinke höbbe. Hae regeldje zich ein kuubs vaat en ging daoméet nao zien vader om det te laote vol laupe. Den dao mét terug nao de boorderie óm de hoonder te laote drinke. En weer terug, en opperno, en opperno.

De hieële nacht waas Albert aan ut sjurge gewaesj (dus laot neemes ut mieër in ziene kóp hoole óm te zigke det de boore neet om hun bieëste zooje gaeve!!!). Ut zweit oppe rug, ut zweit oppe kop.

Netuurlik haaj Albert auch mét de waterleidingsmaatsjappie gebeldj, mer dit waas ein probleem waat nog neet zoea 1-2-3 kos waere op gelosj. Want die waterleiding kwoom vanne Moosterstraot en om dao aan te wirke sjeen toch waal moeilik te zeen Waat die men waal regeldje waas det dae baum waerdje om gezaegdj; dae kos dao noeats mieër ómvalle.



Oeteindelijk waas Albert dus bekans ein waek aan ut sjurge mét det water veur die hoonder. Det beteikendje auch det der gein water in hoeës waas óm te kooke, koffie te zétte (oeats met Tiny gekaldj as die 3 daag geine koffie haet gehadj ...), en óm te doesje.

Op eine murge kwoom Albert weer terug van water hoole veur de hoonder. Hae kwoom éfkes binne om same met Tiny gezellig ein tas gemale koffie te aete (eine mins raaktj vriej snel gewéndj aan koffie zónger water ...). Albert kwoom binne en hae haaj ut gelieëk in de smieze en gelieëk in ut snotje en gelieëk in de gaate. Wie Albert de keuke binne kwoom, rook ut weer aojerwets nao naate koffie. En wie Tiny de trap aaf kwoom, golfdjen heur krulkes weer wie anges, en rook Tiny nao lavendel en krokusse en madeliefjes en eunje en angere greuntjes die ze allewel in sjampoo stoppe; de doesj deej ut weer.

Ze haaje weer water! Halleluja!

Wat haaje die men van de waterleidingsmaatsjappie noe gedaon (en det haaje ze al veul ieëre motte doon), ze haaje Tiny en Albert aan geslote oppe aoj waterleiding die van ut durp aaf kwoom.

Ein paar daag later kwoome Tiny en Albert oppe "Open boerderij dag" bie Carin en Nico minse tege die waal ins informaasie nao oze redaksie door gaeve. Wie ut verhaol op de storm en 1 waek gein water en 1 waek neet doesje kwoom, en Albert zich rejalizeerdje waat hae tege weem haaj gezagd, waas zien rejaksie neet mals: "Dju, gae zeetj waal de slechtste minse tege weem ich dit haaj kinne zegge."

Wae vanne redaksie zeen ut dao neet mét ins. Wae dinke waal det wae dit verhaol waarheidsgetrouw höbbe geplaatst. Mochte Tiny en Albert nog ins zónger water koome te zitte, den moge ze altieëd oppe redaksie ein tas koffie koome drinke.



Donateur waere?

Wiltj gae es particeleer auch uch steinke biedraage aan de in-standjhaojing van de Halerse Vastelaovendj, doneertj den

€ 11,-

op bankraekeningnummer NL 22 RABO 0138613532

Whats-app...

Die jong van vandaag zitte de ganse daag oppe tillefoon. Wat die onger angere doon is veul whats-appen. Wae vanne redaksie zeen ins gedooke inne wondere waereldj van de whats-app.

Conclusie: wae snappe die jong





Welke kleur gips wilt u?



Gebroken wit



Je levert goed werk

Tja



Oefening baard kunst



Jansen, zonder K

@ladderzatoofficial



Er zit ook helemaal geen K in



Waarom zijn het er zoveel?



Is een bij-eenkomst



Er lag laatst poep in het museum



Was kunstmest



Ik lig dubbel



Nee dat zeg ik net



Voordat we beginnen zou ik graag eerst een rondje willen doen zodat we elkaar allemaal wat beter leren kennen

Kan ik bij jou beginnen Frits?

Ja doe mij maar bier



Speciaale eenheid Mariniers



Truu oet Mofert



Proclamasie...

Lard:

Ich staon hiej as Prins Lard I vanne Rabbedabben, veur mich de ieërste kieër
Wae hubbe noe ein jubileumjoar dus ut is veur mich ein hieël groe-
ate ieër

Gear wil ich Prins Mexx I, Prinses Fenne en Adjudant Heike bedan-
ke veur ut aafgelaupe joar.
Door hun hebbe wae eine fantastiese Vasteloavendj gehadj. Echt
woar!!

Saame met Adjudant Luc en Adjudant Keano staon ich veur uch klaor
Om ut jubileum vanne Jeugdroad te veere, want die besteit al 5 x 11
jaor

Ich bin geboore en getooge in Haler, ich bin dus eine echte Rabbedab
Mien pap haaj neet anges verwachtj, mer mien mam waas gans vanne
wap

Want os mam Esther is eine echte Rogsteaker. Ze kumpj oet Wieërt.
Dao huers-se niks van want ze heet de Halerse taal al good aangelie-
ërdj.

Mien pap Erwin is eine echte Halerse mins. Hae is van Harrie van Teun
vanne Locht.
Gea kintj hum vast waal vanne Rabarber en vanne TT, doa vluugtj der
waal ins oet de bocht.

Noe laot ich auch mien adjudante get vertelle
Ze gaon zich noe aan uch veur stelle:

Luc:

Ik ben adjudant Luc, en geboren in Almere, de parel van Flevoland
Ik ben blij dat ik nu in Haler woon, hier kan ik spelen op straat en in het
zand

Mijn moeder Marlinda is van "oppe Ruiver", ze is een echt Limburgs
'maedje'
Mijn vader Roy is een echt "Amsterdammertje", maar niet een die staat
'naeve een paedje'

Keano:

Ich ben adjudant Keano, geboore in ut Rabbedabbe-landj
En met Vasteloavendj mot van mich alles aan de kantj

Ich ben de kleinzoon van Christ vanne Pinxt, os mam Angelina is hiej
prinses gewoore
Mien pap Marco kumptj oet Kessel, en om bie j mam te koome mos hae
wanjele; ... oore

Lard:

Ich speel elektrische gitaar bie j de Drieklank. Det geit steeds baeter en
sneller
Ein optraeje in de Bosuul is net wie ACDC, allein den get
heller

Ich zit auch bie j de scouting in Tungelder, dao kin
ich hieël get verhaole van vertelle
Wae haoje speurtochte, gaon op kamp,



en bij ut kampveur aete wae os ongans aan frikkedelle

Luc:

Ik zit ook op scouting en ik ben bij de reddingsbrigade; daarvan heb ik geen spijt

En alt-sax spelen bij de Jeugd fanfaar; daarmee kan ik de rest van mijn energie kwijt

Keano:

As ich te lang speel met de Lego of met de Playstation, den trektj mam aan de bel
Mien energie kin ich good kwijt met Krav Maga, ein vechtsport oet Israel

Lard:

Crosse oppe motor doon ich gaer. Ut meuktj missjiens waal ein bietje kebaal

Mer de CO2 oet de motor waerdj vast gelagd in de rabarber; ich bin dus CO2-neutraal

Saame:

Met des daag kan de sjoel os verrekke, de Vastelaovendj steit op 1
Wae zulle hosse en springe, al gaon wae van meugigheid vanne bein

Dees Vastelaovend gaon wae gaer veurop
En zette hieël Haler oppe kop

Lard:

En det alles onger mien motto:

Efkes geine motor en gitaar mer drie daag hosse en springe mét elkaar ALAAF!!

5 x 11 jaor Jeugdraod...

In 2020 besteit de Jeugdraod 5x11 jaor. Eine hieële tieëd woa wae den auch gaer aandacht sjinke. Det hōbbe wae gedaon op zaoterdig 30 november j.l. Mit ein spetterendj optraeje waerdje Prins Lard I tot 55e (jubileum)prins oetgeroope.

In 1965 stardje oppe basissjoel de jeugdvastelaovendj. De iërste prins, Huub Reijven, móst nog te voet door ut dōrp. Dur waas ut iërste jaor mer eine beperkdje optocht. In ut twieëdje jaor, wie Lei de Bakker prins waas, waas dur auch al eine prinsewaage. Dae prinsewaage is in de laup van de tieëd ein paar kieër aangepasjt. De optocht is in de laup van de jaore allein mer gegruudj. Binnen de aoj gemeindje Hunsel hōbbe wae al ein paar jaor zoeaget de groeatste optocht. De Jeugdraod is door de jaore blieëve bestaon, alhoewaal ut steeds lestiger waerdj om de jeugdraod bie ein te krieëge sinds de sloeëting vanne sjoel. Wae hope aevel det dur euver 11 jaor weer reeje is veur ein fieëske as ut 6x11 jaorig bestaon geveerdj kin waere. Laote wae dur mit zien alle veur zōrrege det de Jeugdraod blijftj bestaon, want weem de jeugd heet, heet de toekomst.

Wae hōbbe zitte te blaajere in de besjikbare aoj beukskes die dur zeen van 3x11 en 4x11 jaor, mer die gaeve helaas verder neet hieël vāöl informatie. Op blaad 30 en verder mieër euver ut fieëst ter gelegeheid van ut 5x11 jaorig bestaon.




Bóntje Aovendj...



Bóntje Aovendj...



Bóntje Aovendj...



Spek mit eier & kiene...



5x11 + Pekskesaovendj...

Op 30 november waas ut den zoeawieëd. Nao maondje van zwieëge mocht Lard Schroijen den eindelijk van de daake roope det hae de 55e Prins van Haler is, Prins Lard I van de Rabbedabben. Saame mit zien adjudante Luc en Keano en de jeugdraad heet hae dur ein sjoean fieëske van gemaaktj tieëdes ut prins oetroope en de aansloetendje Pekskesaovendj. Neemes minder den nasjonaal kampiejoen Nigel Otermans toverdje mét ein paar sjoean "medzjik ekts" de name van de adjudante en de prins zoea mer oet de gezét. Dus wae kinne mét ós



Gezét
neet
achter-
blieëve!

Prins
Lard I en
zien ad-
judante



höbbe Nigel daonao nog éfkes in ut zön-ke gezatte en Prins Lard I toverdje zoea mer ein kedoo teveysjjeën.

Daonao waerdje de 55e Prins van Haler aangekleidj en van de ieërste medalieës veurzeen. Wae vanne redaksie verdingke trouwes adjudant Luc van veurkénis van de inhaod van dit beukske en wae verdingke Luc durvan det hae die foto van wethaojer Walraven veuraaf nog ins good heet bekeeke. Mer Luc heet waal ut verkieërdje aug toe. En noe gadj gae terugblaajere óm te kieëke of det kloptj waat ich hie sjrieëf... Kloptj?

In de tussetieëd arriveerdje de zustervereininge oet Hunsel en Ittervoort. Die van Neeritter en Ell zooje via de satelliet verbinjing contact



mét Haler maake. Dao euver later mieër. Auch Sinterklaos waas inmiddels dao, saame mét eine rasechte zwartwirker (niks sjoersteinvaegvlecke, geweuen peekezwart, op zien oere nao den). Klaos dae vroeg alle hoeagwaardigheidsbekleijers auch bie zich en die koste toen directj op häöre stoel gaon zitte. Veur de Serdelhunj zoj Prins Teun I, Prinses Luna en adjudant Xin-Hua ut woord veure, veur de Puinesjödders Vorst Paul en naames de gemeindje waas wethaojer Martens aanwezig. En veur de Rabbedabben netuurlijk de kersverse jubileumprins Lard I en zien adjudante Luc en Keano. Via de satelliet verbinjing waare veur de Moerevaegers en de Walbuuk prins Quick en prins Flipke ingevlooge. Mer veurdet ut zoeawieëd waas kwoom ieërst Big Benny ein knallendj optraeje gae-



Sponsore...


Ons Dorpshuis

Café Restaurant Frituur

Efkes 3 daag gein restaurantj
want ut aetmeubilair geit aan de kantj!

Wae hosse en springe saame mét Prins Lard I en
zien adjudante Luc, Keano en de Jeugdroad,

En det doon wae in ós café aan de Pinxtestraot!



5x11 + Pekskesaovendj...

ve. De zaal sting op ziene kop! En nao det sjoëane optraeje kos de Pekskesaovendj echt beginne. Gestartj waerdje mét de sattelietverbinjing mét ut Walbuukerieëk en Moe-revaegerrieëk. Neemes minder den prins Quick en prins Flipke deeje ut woord. Mer de verbinjing vanoet Ell en Neeritter waas minder en die veel geregeldj weg. Daonao kwaam Prins Teun I, Prinses Luna en adjudant Xin-Hua aan ut woord. Mét sjerpe analyses euver de Leudalse politiek, de discussie euver de lieëgere sjoel, de verlichting tusse Hunsel, Grathem en Kelpen, wiste de wethaojer Mar-



tens ut veur aan de sjeene te légke. Hae kos in elk geval mét ein busseel gezónje paere nao hoeës. Ómdet de burgemeister dur neet waas haaje ze ein sjoean masker van de burgemeister veur de wethaojer

gemaaktj. Prins Lard I en zien adjudante hele ein geweldjig verhaol euver de noew

buim die afgelaupe jaor gepootj ware en inmiddels allemaol de geist hóbbe gegaeve. En det mét eine wethaojer dae euver "waterhuishouding" geit. Det snaptj netuurlijk neemes. Tot slot kwaam vorst Paul van de Puinesjódders aan ut woord. Mer det

waas hae waal dúk kwieëd, dus dao kin ich wiejer

weinig euver vertélle. Aan ut indj kwaame netuurlijk Klaos en wethaojer Martens nog aan ut woord. Ieërst deendje de wethaojer de prinse van repliek en daonao veegdje Klaos de wethaojer nog efkes de mantjel nao (neet oet, want Klaos heel um geweuen aan). Al met al eine hieële geslaagdje aovendj.

Noe mer aafwachte wanneer Pekskesaovendj deil 3 kumtj... Wae hóbbe dur noe alweer zin in!!



Bóntje Aovendj kaertjes...

Veur ut ieërst gaon wae entreekaertjes in de veurverkoop aanbeeje. Bie de hoeës-aan-hoeës verkoop op 14 december hóbbe wae ze al aangebooje. In de veurverkoop koste de kaertjes € 8,00. Aan de kassa op de Bóntje Aovendj betaaldj gae € 9,00. Dur zeen 130 kaarte te kaup en op=op, dus vol=vol.

Hóbtj gae nog gein kaertje, mer wiltj gae dit Halerse spektakel neet misse, den kintj gae in de veurverkoop nog terecht veur ein kaertje bie Roy Etmans. Reservere kin auch.

Toegangsbewieës te krieëge bie Roy

Speltstraat nummer 9

Tillefoon: 0495 585291

Mobieli: 06 83985949





b-mediagroep West
Draadbaan 39
2352 BM Leiderdorp

b-mediagroep Zuid
Posthoornstraat 69
6219 NV Maastricht

085 - 210 35 30
info@bmediagroep.nl
www.bmediagroep.nl


Druk

Print

Sign

Dolle Dinsdig...





Dees
VASTELAOVES GEZÉT

waerdj uch aangebooje door

Vastelaoves Vereniging

De Rabbedabben
Haler-Uffelse

2019

2020

Donateur waere?

Wiltj gae es particeleer auch uch steinke biedraage aan de instandjhaojing van de Halerse Vastelaovendj, doneertj den

€ 11,-

op bankraekeningnummer NL 22 RABO 0138613532

Veur mieër info:

www.rabbedabbe.nl

Redaksie:

Rik, Peter Paul

Lee-out:

Peter Paul

Foto's:

Peter Paul

Drukwérk: b-mediagroep



Vinj ós op

Feesbook

<http://www.facebook.com/pages/Vastelaoves-Vereiniging-de-Rabbedabben/217234991746623>



© 2019-2020
V.V. de
Rabbedabben

| KvK : 12068803 | Rabobank: NL22 RABO 0138613532 |